

## Акафист преподобному Зосиме Верховскому.

### Кондак 1

Избрáнному свѣше на пѳдвиги иночества преподѳбному отцѹ нашему Зосиме похвѳльное принѳсим пѣние. Ты же, преподѳбне ѳтче, предстѳтельствуй у Престола Бѳжия за нас, многорѣшных чад твоих, да зовѣм ти: Рѳдуйся, преподѳбне ѳтче Зосимо, благочѣстия подвижнице.

### Икос 1

А́нгелом свѣше предустѳвлен бысть, преподѳбне ѳтче Зосимо, на служѣние Бѳгу, егда, ещѣ во чрѣве ти сѹщу, ѳтец твой в нощѣ на молѣтве услыша глас: «Сына, иже ти родѣтся имать, не учи мирским наукам, но Закѳну Бѳжию тѳкмо». Тѣмже, восхваляюще тя, зовѣм:

Рѳдуйся, угѳднице Бѳжий предызбранный;  
рѳдуйся, молѣтвеннице и застѹпнице, от Бѳга нам дарованный.

Рѳдуйся, яко житиѣм ѳтеческим внимѳл еси;

рѳдуйся, яко дѹшу своѳю слѳвом Бѳжиим питѳл еси.

Рѳдуйся, сокровище вѣшних разумѣний;

рѳдуйся, научивыйся исполнѣнию Божѣственных велѣний.

Рѳдуйся, у пещѣр преподѳбнаго Авраѳмيا Смолѣнскаго воспитанный;

рѳдуйся, послушѳния и молѣтвы дѣлѳтелю неустанный.

Рѳдуйся, преподѳбне ѳтче Зосимо, благочѣстия подвижнице.

### Кондак 2

Вѣдая от юности, яко прехѳдит ѳбраз мѣра сегѳ, ѳтче Зосимо, отрѣклся еси сѹетнаго житѣя, служѣнию царѳю

земному предпочёт служение Царю Небесному, да со всеми святыми вопиёши Богу: Аллилу́иа.

### Икос 2

Разум истинный от Бога свыше восприял еси, егда не прельсти́ся имением велиим, и услышал еси глас Божий, глаголющ, яко путём иноческим теши́ имаша. Темже и богатство суетное нивотто́же вмени́л еси́, мы же зовём ти:

Ра́дуйся, суете́ мирсте́й не подклони́выйся;  
ра́дуйся, о Бо́зе Спа́се твоём возвесели́выйся.  
Ра́дуйся, имение ве́лие ра́ди Бо́га отвер́гий;  
ра́дуйся, путь те́сный, имже не мно́зи шеству́ют,  
избра́вый.

Ра́дуйся, яко нищету́ вольную Го́спода ра́ди  
предпочёл еси́;

ра́дуйся, яко богатство бла́гости Бо́жия восприя́л еси́.

Ра́дуйся, пре́жде всего́ Царствия Небеснаго иска́вый;  
ра́дуйся, мно́ги труды́ любве́ ра́ди ко Го́споду  
подъя́вый;

Ра́дуйся, преподо́бне о́тче Зоси́мо, благоче́стия  
подви́жнице.

### Кондак 3

Си́лою Бо́жиею свыше осенённый, весь ум свой, всю ду́шу и се́рдце устремил еси́ на служение Бо́гу в звании иночестем, воспева́я Ему́: Аллилу́иа.

### Икос 3

Ре́вность по Бо́зе воспри́ем, оста́вил еси́ мир и я́же в ми́ре, ко отце́м пусты́нником в леса́ Ро́славльския прите́кл еси́. И, жития́ подви́жнческаго взыску́я, всего́ себе́ ста́рцу Васи́лиску пре́дал еси́, да послуша́нием и

отверже́нием себе́ Ца́рство Бо́жие приобрета́еши, сего́ ра́ди вопи́ем ти тако́вая:

**Ра́дуйся,** стро́гости жити́я пусты́нническаго поревно́авый;

**ра́дуйся,** плод послуша́ния и терпе́ния до́бре показавый.

**Ра́дуйся,** благослове́нием ста́рца Адриа́на в по́двизех утвержде́нный;

**ра́дуйся,** отверже́ния себе́ сама́го де́лателью усерд́ный.

**Ра́дуйся,** богому́дрых наста́вник ре́вностный учени́че;

**ра́дуйся,** отце́в Добро́лю́бия богоно́сный сонасле́днике;

**Ра́дуйся,** пре́емник и́стиннаго ста́рчества Бо́гом показанны́й;

**ра́дуйся,** от ча́д преподо́бнаго Па́исия о́ное восприе́мый.

**Ра́дуйся,** преподо́бне о́тче Зо́симо, благоче́стия подви́жнике.

#### **Кондак 4**

**Ве́дый** преподо́бный Васи́лиск, я́ко не подоба́ет вступа́ти в по́двиги пустынножи́тельства не испытанны́м пре́жде в ино́честем о́бщем жити́и, та́ко упра́ви тя, о́тче Зо́симо, да с со́нмом ино́к вопи́еши Бо́гу: **Аллилу́иа.**

#### **Икос 4**

**Ста́рцу** Васи́лиску повину́йся, прите́кл еси́ во оби́тель Коневску́ю и та́мо в послуша́нии у ста́рца Адриа́на среди́ бра́тии пребы́л еси́. Те́мже, удивля́ющесея трудо́м твои́м и вну́тренним борени́ем во оби́тели сей, зове́м:

**Ра́дуйся,** ре́вность в тя́жцех трудо́х яви́вый;

**ра́дуйся,** послуша́ние ста́рцу тво́ему сохрани́вый.

Ра́дуйся, крото́стию, зло препобежда́ющею, себе украси́вый;

ра́дуйся, плод пра́вды, соу́з добродете́лей в себе возрасти́вый.

Ра́дуйся, я́ко терпе́нием твои́м любо́вь в се́рдцы возже́гл еси́;

ра́дуйся, я́ко тщесла́вие далече от себе отгна́л еси́.

Ра́дуйся, уче́нием святооте́ческим внима́вый;

ра́дуйся, па́че всех бога́тств нищету́ Христо́ву восприе́мый.

Ра́дуйся, преподо́бне о́тче Зоси́мо, благоче́стия подви́жнике.

### Кондак 5

Ра́вноа́нгельнаго жити́я взыска́в, преподо́бне о́тче, всенощными бде́нии, труды́, же́сткия влася́ницы ноше́нием плоть свою́ смири́л еси́, ду́хом горя́ и воспева́я Бо́гу: Аллилу́иа.

### Икос 5

Ве́дая, я́ко благоче́стие на вся полёзно есть, о́тче Зоси́мо, святы́х оте́ц уче́нию прилежа́л еси́, наипа́че же о моли́тве серде́чной, егóже и пове́дал еси́ ста́рцу твоemú Васи́лиску. Мы же, не иму́щии ре́вности о тако́вом де́лании, но твоим заступле́нием у Бога испросити ю́ надею́щиеся, зове́м ти:

Ра́дуйся, при нача́ле по́двига твоего́ ре́вность по Бо́зе показавый;

ра́дуйся, до конца́ жити́я твоего́ сию́ удержа́вый.

Ра́дуйся, я́ко непреста́нно в моли́тве пребыва́л еси́;

ра́дуйся, я́ко чистоту́ помы́слов от Бо́га получи́л еси́.

Ра́дуйся, я́ко рукоде́лием многора́зличным прилежа́л еси́;

Ра́дуйся, я́ко те́ми мно́гих бра́тий напита́л еси́.  
Ра́дуйся, к трезвѣнию вѣрныя приводя́й;  
ра́дуйся, ро́сою благода́ти ду́ши на́ша исполня́й.

Ра́дуйся, преподо́бне о́тче Зо́симо, благоче́стия  
подви́жнице.

### Кондак 6

Дѣвнии подви́жницы оби́тели Конѣвския яви́шася  
святѣи Зо́сима и Васи́иск, я́ко тех ра́ди мно́гия лю́ди  
притека́ху в ню. Оба́че не восхотѣша преподо́бнии сла́вы  
и многолю́дства, но то́чию жити́я безмо́лвнаго в  
пусты́ни, да та́мо воспою́т Бо́гу: Аллилу́иа.

### Икос 6

Вѣрнии дѣлателие послуша́ния пребы́ша преподо́бнии  
Зо́сима и Васи́иск, егда́ испо́лниша благослове́ние  
ста́рца свое́го Адриа́на пребы́ти с ним во оби́тели  
Конѣвстей, а́ще и вельми́ желáша жити́я пусты́ннаго. По  
отшѣствии же то́го, о́тче Зо́симо, во смире́нии от  
служи́ния игу́менскаго уклони́лся еси́, да лу́чшее в  
пусты́нном безмо́лвии улучи́ши. Те́мже ти зове́м:

Ра́дуйся, от ста́рца Васи́иска сота́инником  
нарече́нный;

ра́дуйся, в противосто́янии вою́ющим на ны страсте́м  
ино́че соверше́нный.

Ра́дуйся, сла́дость безмо́лвия пусты́ннаго вкуси́вый;  
ра́дуйся, постом и воздержáнием плоть твою́ ду́хови  
покоривый.

Ра́дуйся, показáвый сла́вныя над ми́ром, плóтию и  
диáволом побѣды;

ра́дуйся, в чистоте́ сохрани́вый мона́шеския обе́ты.

Ра́дуйся, я́ко благо́е и́го Господне с любóвию понѣсл  
еси́;

ра́дуйся, я́ко сегó ра́ди кро́ток и смире́н се́рдцем яви́лся еси́.

Ра́дуйся, преподо́бне о́тче Зо́симо, благоче́стия подви́жнице.

### Кондак 7

Во́лю Бо́жию о ме́сте пусты́ннаго пребыва́ния взыску́юще, мно́гая ме́ста испытáша святи́и Зо́сима и Васи́лск, оба́че не бысть во́ля Бо́жия, да поки́нут ста́рцы страну́ Росси́йскую. О сем мы, ра́дующеся, вопи́ем Бо́гу: Аллилу́иа.

### Икос 7

Свети́ла вели́кая яви́стеся земли́ Сибир́стей, преподо́бнии Зо́симо и Васи́лсче, егда́ на безмо́лвное жи́тельство та́мо пресели́стеся. Кто бо исчи́слит лишéния и борéния ва́ша, бде́ния же, и злострада́ния, я́же та́мо пребы́ша вам? Ты же, о́тче Зо́симо, томи́мь вельми́ искуше́ниями диáвольскими, проти́ву и́мене Бо́жия воздви́жаемыми, от ста́рца Васи́лска укрепля́емь, вся претерпéл еси́, вящшую любóвь ко Го́споду стяжав. Сегó ра́ди вопи́ем ти:

Ра́дуйся, пусты́ннице соверше́нный, стрéлы разже́нныя диáвольския угаси́вый;

ра́дуйся, непреста́нным призыва́нием и́мене Иису́сова бесо́вския полки́ порази́вый.

Ра́дуйся, безмо́лвия рачи́телю, пусты́ню духо́вно у плодоноси́вый;

ра́дуйся, подви́жническим жити́ем твои́м си́ю просла́вивый.

Ра́дуйся, мно́гажды от немину́ея смéрти си́лою Бо́жиею сохране́нный.

ра́дуйся, сла́ву Бо́гу за вся возда́й подви́жнице смире́нный.

Ра́дуйся, созида́ния и восстано́вления святы́х оби́телей до́брый ревни́телю;

ра́дуйся, чи́на жити́я ино́ческаго в тех благо́й насади́телю.

Ра́дуйся, преподо́бне о́тче Зоси́мо, благо́чества подви́жнице.

### Кондак 8

Провозвѣстницы путі́ умнаго дѣлания яви́шася в земли́ Ру́сской преподо́бнии Зоси́ма и Васи́лск, егда́, в безмо́лвии тому́ прилежа́ще, воспѣша Бо́гу немол́чную песнь: Аллилу́иа.

### Икос 8

Проси́я жити́е ва́ше, о́тцы преподо́бнии Зоси́мо и Васи́лсче, не в Росси́и то́чию, но и далѣ́че сущим, во о́браз жити́я всем в пусты́ни хотя́щим спасти́ся. Те́мже и послѣдующи́я подви́гом ва́шим, тобо́ю, о́тче Зоси́мо изложѣ́нным, плод мног принесо́ша, восхваля́юще тя си́це:

Ра́дуйся, благода́тныя дѣ́йствия моли́твы умны́я списа́вый;

ра́дуйся, по́двиги сомоли́твенника твоего́ ми́ру возвесті́вый.

Ра́дуйся, я́ко назидани́ем твои́м ве́ра мно́гих утверди́ся;

ра́дуйся, я́ко о учѣ́нии твоѣ́м чин ино́ческий возвесели́ся.

Ра́дуйся, дре́во благопло́дное, при вода́х пусты́нных возвращѣ́нное;

ра́дуйся, предста́телю наш пред Бо́гом,  
равноангельное житие показавый.

Ра́дуйся, вѣлие утешѣние Ду́ха Свята́го стяжавый;  
ра́дуйся, по кончи́не твоѣй Ца́рство Небе́сное  
улучи́вый.

Ра́дуйся, преподо́бне о́тче Зоси́мо, благоче́стия  
подви́жнице.

### Кондак 9

Во́ли Бо́жией повину́ясь, прите́кшия к тебѣ се́стры в  
послуша́нии подвиза́тися прия́л еси́. О сем и возда́л еси́  
сла́ву Бо́гу кúпно со ста́рцем Васи́льском, я́ко  
обрета́ются ду́ши, жела́ющия послужи́ти Тому́ Еди́ному.  
Ты́я же и до днесь притека́ют под кров оби́тели твоѣя,  
вопию́ще: Аллилу́иа.

### Икос 9

Мно́гия труды́ подъя́л еси́, о́тче Зоси́мо, в устро́ении  
душ се́стр, ввѣрившихся руковожде́нию твоѣму́, наипа́че  
же ско́рби и гоне́ния непра́ведная. Ты́ же вся сия́ до  
конца́ претерпе́л еси́, да устро́иши спасѣ́ние себѣ́ и  
приходя́щих к тебѣ́. Мы́ же, ве́дуще, я́ко сего́ ра́ди мзда́  
тво́я мно́га на Небесе́х, вопи́ем ти:

Ра́дуйся, изгна́ние пра́вды ра́ди претерпе́вый;  
ра́дуйся, терпе́нием твои́м нас наста́вивый.

Ра́дуйся, в кро́тости и смире́нии святым мно́гим  
подражавый;

ра́дуйся, о́браз, ка́ко подоба́ет претерпева́ти  
поноше́ние и гоне́ние, нам оста́вивый.

Ра́дуйся, я́ко моли́твами твои́ми срóдницы тво́й в чи́не  
иночестем Бо́гу послужи́ша;

ра́дуйся, я́ко мно́гия сестры́ подражати им  
благопоспеша.

Ра́дуйся, обітель во імя Одигітрии основáвый  
Бо́жим смотрѣнием;

ра́дуйся, я́ко та́ и до ны́не жела́ющим рабо́тати Бо́гови  
приста́нище есть спасѣния.

Ра́дуйся, преподо́бне о́тче Зосі́мо, благоче́стия  
подви́жнице.

### Кондак 10

От ю́ности твоея́, о́тче Зосі́мо, дѣвственное житіе́  
возлюбіл еси́, в постѣ́ и моли́твах пребыва́я и  
благоугожда́я Бо́гови, во е́же бы́ти тебѣ́ освяще́нным  
сосу́дом Ду́ха Свята́го, всельша́гося в чи́стое се́рдце твое́  
и воздыхáнии неизгла́оанными научи́вшаго тя  
благоприятно пѣти: Аллилу́иа.

### Икос 10

Стенá Неруши́мая и Путево́дительница дѣвнáя яви́ся  
Ма́терь Бо́жия во всем жити́и твоѣ́м, преподо́бне о́тче.  
Тѣмже и прѣ́жде успѣ́ния твоего́ прорѣ́кл еси́ сестра́м  
обітели своея́: «Ма́терь Бо́жия, Ейже аз вручи́х вас и всю  
обітель си́ю, просла́вит імя Своѣ́ на мѣсте сем и удиви́т  
на вас ми́лость Свою́». Мы же, сбытіе́ сегó зря́ще, зове́м:

Ра́дуйся, Ма́тере Бо́жия благоговѣ́йный служи́телю;

ра́дуйся, обітели ино́ческаго во імя Ея́ основáтелю.

Ра́дуйся, Пресвяты́я Богоро́дицы покрóвом  
осенѣ́нный;

ра́дуйся, все упова́ние твое́ на Цари́цу Небе́сную  
возложивы́й;

Ра́дуйся, в ско́рбех и радостех во вся дни своя́ к  
Присноде́ве прибега́вый;

ра́дуйся, по отше́ствии твоѣ́м от жити́я сегó Бо́гом и  
люды́ми просла́вленный.

Ра́дуйся, я́ко в Го́рний Иерусали́м Благо́ю  
Путеводи́тельницею упра́влен был еси́;

ра́дуйся, я́ко сегó ра́ди всем шéствующим к Небеси́  
помощник от Бо́га яви́лся еси́.

Ра́дуйся, преподо́бне о́тче Зоси́мо, благоче́стия  
подви́жнице.

### Кондак 11

Пе́ние умиле́нное прино́сим ти, о́тче Зосимо, и  
всеусе́рдно про́сим: научи́ ны блюсти́ себе́ от  
ожесточе́ния серде́чнаго, от разоре́ния единоду́шия и от  
охлажде́ния дружелю́бия, да пребу́дем в любви́ Бо́жией,  
я́же о Христé Иисúсе, и со все́ми святы́ми, угоди́вшими  
Бо́гу, сподо́бимся воспева́ти: Аллилу́иа.

### Икос 11

Спаси́тельнаго де́лания наста́вник многому́дрый  
вои́стину яви́лся еси́, богонóсне о́тче Зоси́мо, ты бо в  
писа́ниях твои́х о де́лании духо́внем возвестил еси́, о  
стяжа́нии благода́ти Всесвята́го Ду́ха и творе́нии  
моли́твы Иисúсовы. Мы же тя, в бдени́и и моли́тве  
подвизавша́гося, до́ндеже Го́сподеви пре́дал еси́ святу́ю  
ду́шу твою́, воспева́ем:

Ра́дуйся, богому́дрия писа́ния до́бре оставивый нам в  
доброе назидание;

ра́дуйся, посóбниче на́шему в терпе́нии и моли́тве  
возраста́нию.

Ра́дуйся, пра́здности и́щущих и труда́ бе́гающих  
обличи́телю;

ра́дуйся, о стяжа́нии таковы́ми добродéтелей  
иноческих нелицеприёмный попечи́телю.

Ра́дуйся, ре́вностию о де́лании моли́твенном нас  
обогаща́я;

ра́дуйся, дары́ бла́гости и кро́тости нас преобража́яй.  
Ра́дуйся, я́ко подви́жник иску́сен пребы́л еси;  
ра́дуйся, я́ко о́браз пра́ваго прохожде́ния мона́шескаго  
жити́я яви́л еси́.

Ра́дуйся, преподо́бне о́тче Зоси́мо, благоче́стия  
подви́жнице.

### Кондак 12

Благода́ти Божество́нныя сосу́д яви́лся еси́,  
преподо́бне, егда́, а́ще и недúгом ве́лиим одержи́мь бяше,  
непреста́нную моли́тву твори́л еси́, вопи́я Бо́гу:  
Аллилу́иа.

### Икос 12

По́двигом до́брым подви́заяся, о́тче Зоси́мо, течéние  
соверши́л еси́. Те́мже и прехо́дя от ве́ка сегó преле́стнаго,  
рек, я́ко в наде́жде умира́еши, восприя́л еси́ венéц  
пра́вды, егóже угото́ва Бог лю́бящим Егó. Мы же,  
упова́юще на предста́тельство твоё о нас грéшных ко  
Го́споду, вопи́ем ти:

Ра́дуйся, течéние жити́я земна́го до́бре соверши́вый;  
ра́дуйся, обетова́нная Бо́жия непрело́жне получи́вый.

Ра́дуйся, я́ко благоче́стия лампаду возже́гл еси́;

ра́дуйся, чистоты́ ангелоподо́бныя побóрнице.

Ра́дуйся, богому́дрыми писа́нии твои́ми нас грéшных  
назида́яй;

ра́дуйся, благода́тию моли́тв твои́х нас утеша́яй и  
увеселя́яй.

Ра́дуйся, о́бразе благи́й, ино́чествующим от Бо́га  
дарова́нный;

ра́дуйся, всем призыва́ющим тя моли́твенниче  
непреста́нный.

Ра́дуйся, преподо́бне о́тче Зо́симо, благоче́стия подви́жнице.

### Кондак 13

О, преподо́бне о́тче Зо́симо, ны́не предсто́й у Престо́ла Бо́жия, моли́ся за нас, грешных и недосто́йных чад твои́х, да моли́твами твои́ми изба́вльшеся от страсте́й дяво́льских, вою́ющих на ду́ши на́ша, сподо́бимся неосужде́нно предста́ти пред Го́сподем и в невече́рнем дни Ца́рствия Его́ взыва́ти: Аллилу́иа.

### Молитва

О, вели́кий ста́рче, преподо́бне о́тче наш Зо́симо! Кто изгла́олет по́двиги тво́я: безмо́лвие, бде́ние, моли́тву непреста́нную, скорбе́й терпе́ние, слезы́ покая́ния и всех проще́ние, во́ли Бо́жией всеце́лое преда́ние? Ты от ю́ности жизнь свою́ Христу́ посвяти́л еси́, имене́е разда́в, во оби́тель пу́стынную всели́лся еси́. Мно́гим де́вам, Бо́гу уневе́стившимся, па́че отца́ ты был еси́, духо́вно их окормля́я и ко спасе́нию наставля́я.

И ны́не мо́лим тя, святы́й уго́днице Христо́в, мы недосто́йнии: бу́ди нам помо́щник и засту́пник, оби́тели же, тобо́ю основа́нней, утвержде́ние и покрóв; научи́ нас во́лю Бо́жию твори́ти, оби́ды проща́ти, ско́рби и боле́зни благоду́шно терпе́ти, да сподо́бимся и мы моли́твами твои́ми в ми́ре, любви́ и покая́нии земный путь наш соверши́ти и Ца́рствия Небе́снаго дости́гнути, иде́же ты со все́ми святы́ми воспева́еши непреста́нно Бо́га во Святе́й Тро́ице сла́вимаго, Отца́ и Сы́на и Свята́го Ду́ха. Амíнь.